

**Ն. Ս. Օ. Տ. Տ. ԳԱՐԵԳԻՆ Բ. ԱՄԵՆԱՅՆ ՆԱՅՈՅ ԿԱԹՈՂԻԿՈՍԻ
ՊԱՏԳԱՄԸ ՄԵՐ ՏԵՐ ՆԻՍՈՒՄ ԶՐԻՍՏՈՍԻ ՍՈՒՐԲ ՆԱՐՈՒԹՅԱՆ
ՏՈՆԻ ԱՌԻԹՈՎ**

(Ս. Էջմիածին, ապրիլ 20, 2014 թ.)

«Ես եմ լոյս աշխարհի. որ գայ զկնի Իմ՝
ընդ խաւար մի՛ գնասցէ. այլ ընկալցի զլոյսն կենաց»
(Յովհ. Ը. 12):

Սիրելի՛ հավաքավոր զավակներ ի Նայրենիս եւ ի Սփյուռս,

Մեր Տիրոջ՝ Նիսուս Քրիստոսի հրաշագարդ Ս. Նարոյթյան Կոնը հուսառա-
պությամբ է լուսավորել մեր հոգիները: Մահվանից հարություն է առել մեր Փրկի-
չը, մահաբեր գործիքից խաչը վերափոխվել է կենաց ծառի, մարդն ու Կրիստոսը
նորոգվել են կյանքի եւ հավերժության շնորհով:

Այսօր Քրիստոսով հարուցյալ նոր արարչություն է, նոր կյանքի ճանապարհ՝
պայծառացած կենարար լույսով, որ պարզեւում է Փրկիչը. «Ես եմ աշխարհի լոյ-
սը. ով Իմ երևից է գալիս՝ խաւարի միջով չի քայլի, այլ կընդունի կենաց լոյսը»:
Նարուցյալ մեր Տիրոջ այս խոսքերը հավիտենական ու նաեւ երկրային լուսա-
վոր կյանք ունենալու աստվածային հրավեր են՝ ուղղված յուրաքանչյուր մար-
դու, քանզի Ս. Նարոյթյան շնորհները բաշխվում են բոլորին, նաեւ նրանց, ովքեր
դեռեւս կանգնած չեն հավաքի ճանապարհին, ովքեր կյանքի փորձություննե-
րից սրտաբեկ՝ ընդվզում են Աստծո դեմ: Ս. Նարոյթյան շնորհները սփռվում են
նաեւ այնպեղ, որպեղ պարերագմների եւ մոլեգնող ահաբեկչությունների մեջ
դառնացած են մարդիկ, կարծրացած են սրտերը, որպեղ մարդիկ կրում են քա-
ռապանքների դաժան բեռը, որպեղ գոհվում են հրեշտականման մանուկներ՝
աղքատության, անարարբերության, ռազմական գործողությունների հետեւան-
քով: Մարդկության կյանքն ալեկոծող բոլոր հակամարտությունների, հումա-
նիդար, բնապահպանական աղերների, Կրիստոսական ու քաղաքական ճգնա-
ժամների, բոլոր հոգսերի ու մարտահրավերների վրա այսօր փայլում է Քրիստո-
սի Նարոյթյան խավարացիր լույսը: Նարոյթյան հավաքը, որ վերափոխել է
պարսմության ընթացքը, կրթել է հոգի ու միտք, կերպել մշակույթ, զարգացման
առաջնորդել պերություններ, առաջադրել արդարության եւ իրավունքի համա-
մարդկային չափանիշներ, մարդասիրական արժեքներ ու սկզբունքներ, այսօր
էլ հրաշագործ գործությունն է, որին պիտի ապավինենք, որով պիտի նորոգվեն
աշխարհն ու մարդկային հոգիները՝ նոր իրագործումներով, խաղաղությամբ,
սիրով, բարիքով պայծառակերպելու մարդկության կյանքը: Այսօր չկան հասա-

րակություններ, պետություններ առանց խնդիրների, կարիքների ու նեղությունների: Նասարակություններն ու պետությունները, սակայն, չեն կարող ունենալ առաջընթաց, անգամ դավապարտված են ոչնչացման, եթե չլինեն հոգևոր-բարոյական արժեքների վրա կյանքի հաստատման, առաջընթացի ու կարարելության առաջնորդող տեսիլքն ու նպատակները եւ դրանց նվիրյալ առաքյալները: Արդարեւ, մարդկության մեծ նվաճումները խիզախումներն են ազնիվ տեսլական ունեցող անհատների, ինչպես քրիստոնեության լույսի փարածողները եղան Քրիստոսի աշակերտները, ովքեր առ Աստված հզոր հավատքով, անձնագոհ հանձնառությամբ սկզբնավորեցին հարուցյալ կյանքի ուղիներն աշխարհում՝ ի սեր մարդու փրկության, երջանկության ու բարօրության: Ամեն ոք, ով հավատում է Աստծուն, ով սեր ունի արարչության ու մարդկանց հանդեպ, առաքյալ է եւ պիտի իրագործի իր առաքելությունն աներկբա գիտակցությամբ, որ Աստծո օրհնությունն է շնորհաց աղբյուրը, որը հեռացնում է կյանքի մռայլը, Աստծո գորակցությունը բազմապատկում է աշխարհների արդյունքները, Աստծո մխիթարությունը փարապում է հուսահատությունն ու փխրությունը, Աստծո երկնային արդարությունն ամրապնդում է հիմքերը երկրային արդարության: Այս գիտակցության, այս ոգու հառնումով պիտի ամոքվեն ներկա աշխարհի վերքերը, սիրո եւ համերաշխության ուղիներում հաստատվի երկրների ու հասարակությունների ընթացքը, կյանքը վերափոխվի հարության լույսով, որ պարզամեն է մեր Տիրոջ եւ խորհուրդը՝ Քրիստոսի Նարության:

Սիրելի՛ բարեպաշտ ժողովուրդ, Փրկչի Նարության ավերիսն այսօր հրավեր է աշխարհասփյուռ մեր ժողովրդին հայրենական եւ ազգային մեր կյանքի դժվարությունների առջեւ ջրկրկելու, այլ աներեք կամքով ջանքեր գործադրելու հայրենի մեր երկրի, մեր ժողովրդի բարօր ու լուսավոր գալիքի համար: Ժամանակի հոդմերի մեջ որպե՛ղ պիտի մնար մեր ժողովուրդը, եթե չգորանար Քրիստոսի Նարության շնորհներով, եթե չունենար Նայրենիքի, ազգի հանդեպ սերը եւ չկարողանար այն հենարան դարձնել նեղության ժամին եւ ուժ՝ ապրելու, սրելու եւ վեր հանելու: Մեր առջեւ ծառացած խնդիրներն ու մարտահրավերները կարող ենք վճռել կյանքը վերափոխելու անվարան ձգտումով, քրիստոնեական մեր արժեքներին հավատարմությամբ, ազնիվ, բարի ընթացքով, մեր հանձնառություններով, հայրենանվեր, ազգաշահ գործերով: Ս. Նարության տունը մեզ բերում է քաջալերությունը հուսավառ ոգով կյանքի կոչելու այն ծրագրերը, որ յուրաքանչյուրը, Տիրոջը հետևելու կոչին արձագանքելով, կարող է իրագործել ընտանեկան, հասարակական, պետական եւ ազգային մեր կյանքի համար՝ անձնական շահը չբարբերելով երկրի ու ժողովրդի շահից: Մեր կոչման եւ պատասխանատվության մեջ հոգով ու նվիրումով ծառայենք, ձգտենք հաջողությունների ոչ միայն մեզ համար, այլեւ՝ միմյանց, հայրենական եւ ազգային մեր կյանքի առաջընթացի համար եւ, ինչպես պարզվիրում է մեր Տերը, համարենք, որ արեցինք ընդամենը այն, ինչ պարտավոր էինք (Ղուկ. ԺԷ. 10):



Հայրական Մեր խոսքն ենք ուղղում հարկապես երիրասարդ Մեր զավակներին ի Հայրենիս եւ ի Սփյուռս՝ հորդորելով լինել փերունապարվեր առաքելության կրողներ՝ երիրասարդության հրաշալի ներուժը հույսով ու հավարքով միախառնելով ազգային կյանքին: Մեր կյանքի դժվարությունների ու հրամայականների, մեր ժամանակների եսակենսարուն ու հոգեկործան անցողիկ ընթացքների եւ երեսությունների, փորձության բոլոր հողմերի դիմաց ամուր պահեք երիրասարդական կենսահասարար ոգին՝ անսասան կանգնած հավարքի վեմին՝ հիշելով խոսքը մեր Տեր Հիսուս Քրիստոսի. «Ես եմ աշխարհի լույսը. ով Իմ երեսից է գալիս, խաարի միջով չի քայլի, այլ կընդունի կենաց լույսը»: Սիրելի՛ երիրասարդ զավակներ Մեր, Դուք, որ անդրանիկ սերունդն եք մեր Հայրենիքի ազար կյանքի, ձեր սրբերում իբրեւ ամենամեծ գանձ, կրեք ու պահպանեք Քրիստոսով ազար, Քրիստոսով պայծառ հոգու լույսը: Ժողովուրդը, որ ունի Ասարծո օրենքով կրթված որդիներ, ունի նաեւ իրական հույսեր, բարի հեռանկար: Դուք պիտի իրագործեք այդ հույսերը պերական, ազգային եւ եկեղեցական մեր կյանքի անդասարաններում, մեր Հայրենիքի սահմաններում, Սփյուռքում մեր մայրենիի եւ մշակույթի պահպանության դիրքերում, մեր երկիրը հգորացնելու, Արցախի ազար ապրելու իրավունքը, մեր արդար դարը պաշարպանելու մարարաղաշրերում եւ ձեր հոգու նվիրումով, հայրենական եւ ազգային կյանքում ձեր հանձնառություններով պիտի հյուսեք հաղթանակները մեր նորօրյա կյանքի:

Ներկայիս ազգային մեր կյանքի մրահոգություններից է շարունակում մնալ Մերձավոր Արեւելքում, հարկապես Սիրիայում ապրող մեր ժողովրդի զավակների դժվարին կացությունը: Վերջին շրջանում նոր փագնապ են հարուցել Քեսարում Թուրքիայի աջակցությամբ ծայրահեղական զինյալների ծավալած ռազմական գործողությունները: Հայաբնակ շրջանի ավերումը եւ հայ բնակչության փարհանումը շարունակությունն են հայ ժողովրդի հանդեպ որդեգրած թուրքական նույն ոճրագործ քաղաքականության, որին պիտի կարողանանք դիմակայել պերական, եկեղեցական, ազգային մեր կառույցներով՝ միասնական ջանքերով պաշարպանելով մեր ժողովրդի իրավունքները:

Այսօր, սիրելիներ, երբ Քրիստոսի Հարության փռնի լույսն ու խանդավառությունը վերսարին բաբախում են մեր սրբերում, առաքելական խոսքի համաձայն՝ հագած լույսի գրահը (Հռ. ԺԳ. 12), իբրեւ Տիրոջ Հարությամբ ցնձացող, փրարմությունը, երկյուղն ու հուսահարությունը մերժող առաքյալներ, ելնենք վերափոխելու մեր եւ մեր հայրենյաց ու ժողովրդի կյանքը նոր իրագործումներով, գալիքի մեր պայծառ փեսիլքը լուսաշող իրականություն դարձնելու հասարարուն քայլերով:

Այս հավարով եւ մաղթանքով, Ս. Հարության ավերիսով ողջույն ենք հղում Առաքելական մեր Ս. Եկեղեցու Նվիրապերական Աթոռների գահակալներին՝ Ն. Ս. Օ. Տ. Տ. Արամ Ա. Մեծի Տանն Կիլիկիո Կաթողիկոսին, Երուսաղեմի Հայոց Պարրիարք Նուրհան արք. Մանուկյանին, Կոստանդնուպոլսի Հայոց Պար-

րիարք Մեսրոպ արք. Մուրաֆյանին և մեր Եկեղեցու ողջ հոգևոր դասին, Քույր եկեղեցիների հոգևոր պարերին և փրախնամ նրանց հոփին: Տիրոջ պահպանությունն ենք հայցում իրենց և հանապազ գորակցությունը՝ փերունապարվեր առաքելության մեջ:

Քրիստոսի Հարության շնորհների հայցով Մեր ողջույնն ենք բերում Պապարագի սրբազան արարողությանը ներկա Հայաստանի Հանրապետության նախագահ փրար Մերժ Սարգսյանին և առաջին փիկնոջը: Մեր ողջույնն ու բարենադրանքներն ենք հղում Լեւոնային Ղարաբաղի Հանրապետության նախագահ փրար Բակո Սահակյանին և հայոց պերական ողջ ավագանուն, Հայաստանում հավաքարմագրված դիվանագիպական առաքելությունների ներկայացուցիչներին: Ս. Հարության բերկրալի ավերիսով հայրական Մեր սերն ու օրհնությունն ենք բերում աշխարհասփյուռ Մեր գավակներին:

Զարկական այս սուրբ և նվիրական օրն ի խորոց սրփի Մեր աղոթքն է, որ Հարության շնորհները գորացնեն ձեզ, սիրելի՛ ժողովուրդ հայոց, ապրելու հույսով ու հավաքքով և սիրով ու համերաշխությամբ կերպելու մեր կյանքի նոր բարի օրը:

Թող Ասրված Իր Ս. Աջի հովանու ներքո խաղաղ պահի աշխարհը համայն, բարօր առաջընթաց շնորհի մեր Հայրենիքին, պայծառություն՝ մեր Ս. Եկեղեցուն և հավաքավոր ազգիս հայոց՝ այսօր և միշտ բարեբանելու Ս. Հարությունը մեր Փրկչի.

**«Քրիստոս յարեալ ի մեռելոց.
Օրհնեալ է Յարութիւնն Քրիստոսի»**